

文選正文

山子點

七

士丹内芽八


特 279

301

特279-301



1200501132297



始



279
301

特 279
301

類總集
屬漢總
冊十三
函十六

文選正文卷之七

明治九年九月十八日

詩類

古詩十九首 五言

行行重行行。與君生別離。相去萬餘里。各在天一涯。道路阻且長。會面安可知。胡馬依北風。越鳥巢南枝。相去日已遠。衣帶日已緩。浮雲蔽白日。游子不顧返。思君令人老。歲月忽已晚。棄捐勿復道。努力加餐飯。青青河畔草。鬱鬱園中柳。盈盈樓上女。皎皎當窗牖。娥娥紅粉粧。纖纖出素手。昔爲娼家女。今爲蕩子婦。蕩子行不歸。空牀難獨守。青青陵上柏。磊磊澗中石。人生天地間。忽如遠行客。斗酒相娛樂。聊厚不爲薄。驅車策駑馬。游戲宛與洛。洛中何鬱鬱。冠帶自相索。長衢羅夾

文選正文卷之七

巷。子侯多第宅。兩宮遙相望。雙闕百餘人。極宴娛心意。戚戚何所迫。今日良宴會。歡樂難具陳。彈箏奮逸響。新聲妙入神。令德唱高言。識曲聽其真。齊心同所願。合意俱未申。人生寄一世。奄忽若塵塵。何不策高足。先據要路津。無爲守窮賤。軼軼長苦辛。西北有高樓。上與浮雲齊。交疏結綺窗。阿閣三重階。上有絃歌聲。音響一何悲。誰能爲此曲。無乃杞梁妻。清商隨風發。中曲正徘徊。一彈再三歎。慷慨有餘哀。不惜歌者苦。但傷知音稀。願爲雙鳴鶴。奮翅起高飛。涉江采芙蓉。蘭澤多芳草。采之欲遺誰。所思在遠道。還顧望舊鄉。長路漫浩浩。同心而離居。憂傷以終老。明月皎夜光。促織鳴東壁。玉衡指孟冬。衆星何歷歷。白露霑野草。時節忽復易。秋蟬鳴樹間。玄鳥

逝安適。昔我同門友。高舉振八裔。不念攜手好。棄我如遺跡。南箕北有斗。牽牛不負輓。良無磐石固。虛名復何益。再出瓜生竹。結根泰山阿。與君爲新婚。兔絲附女蘿。兔絲生有時。夫婦會有宜。千里遠結婚。悠悠隔山陂。思君令人老。軒車來何遲。傷彼蕙蘭花。含英揚光輝。過時而不采。將隨秋草萎。君亮執高節。賤妾亦何爲。庭中有奇樹。綠葉發華滋。攀條折其榮。將以遺所思。馨香盈懷袖。路遠莫致之。此物何足貴。但感別經時。迢迢牽牛星。皎皎河漢女。纖纖擢素手。札札弄機杼。終日不成章。泣涕零如雨。河漢清且淺。相去復幾許。盈盈一水間。脈脈不得語。迢迢車駕言邁。悠悠涉長道。四顧何茫茫。東風搖百草。所遇無故物。焉得不速老。盛衰各有時。立身苦不早。

人生非金石豈能長壽考奄忽隨物化榮名以爲寶東城高
且長透迤自相屬颶風動地起秋草萋已綠四時更變化歲
暮一何速晨風懷苦心蟋蟀傷局促蕩滌放情志何爲自結
束燕趙多佳人美者顏如玉被服羅裳衣當戶理清曲音響
一何悲絃急知柱促馳情整巾帶沈吟聊躑躅思爲雙飛燕
銜泥巢君屋驅車上東門遙望郭北墓白楊何蕭蕭松柏夾
廣路下有陳死人杳杳卽長暮潛寐黃泉下千載永不寤浩
浩陰陽移年命如朝露人生忽如寄壽無金石固萬歲更相
送賢聖莫能度服食求神仙多爲藥所悞不如飲美酒被服
純與素去者日以疎生者日以親出郭門直視但見丘與墳
古墓種爲田松柏摧爲薪白楊多悲風蕭蕭愁殺人思還故

里間欲歸道無因生年不滿百自當懷千歲憂晝短夜長何
不秉燭遊爲樂當及時何能待來茲愚者愛惜費祖爲後世
嗤仙人王子喬難可與等期凜凜歲云暮螻蛄夕鳴悲涼風
率已厲游子寒無衣錦衾遺洛浦同袍與我違獨宿累長夜
夢想見容輝良人惟古懽枉駕患前綏願得常巧笑攜手同
車歸旣來不須史又不處重閨亮無晨風翼焉能凌風飛野
眯以適意引領遙相睇徙倚懷感傷垂涕霑雙扉孟冬寒氣
至北風何慘慄愁多知夜長仰觀衆星列二五明月滿四五
蟾兔缺客從遠方來遺我一書札上言長相思下言久離別
置書懷袖中三歲字不滅一心抱區區懼君不識察客從遠
方來遺我一端綺相去萬餘里故人心尚爾文絲雙鴛鴦裁

爲合歡被著以長相思緣以結不解以膠投漆中誰能別離
此明月何皎皎照我羅牀帷憂愁不能寐攬衣起徘徊客行
雖云樂不如早旋歸出戶獨徬徨愁思當告誰引領還入房
淚下霑裳衣

與蘇武詩三首

李陵

良時不再至離別在須臾屏營衢路側執手野踟躕仰視浮
雲馳奄忽九相踰風波失所各在天一隅長當從此別且
復立斯須欲因晨風發送子以賤軀
嘉會難再遇三載爲千秋臨河濯長纒念子悵悠悠遠望悲
風至對酒不能酬行人懷往路何以慰我愁獨有盈觴酒與
子結綢繆

携手于河梁游了暮何之徘徊蹊路側恨恨不能離行人難
久留各言長相思安知非日月弦望自有時努力崇明德皓
首以爲期

詩四首

蘇武

骨肉緣枝葉結交亦相因四海皆兄弟誰爲行路人况我連
枝樹與子同一身昔爲鴛鴦今爲參與辰昔者常相近邈
若胡與秦惟念當離別恩情日以新鹿鳴思野草可以喻嘉
賓我有一樽酒欲以贈遠人願子留斟酌叙此平生親
黃鵠遠別千里顧徘徊胡馬失其羣思心常依依何况雙
飛龍羽翼臨當垂幸有絃歌曲可以喻中懷請爲游子吟冷
冷一何悲絲竹厲清聲慷慨有餘哀長歌一激烈中心愴以

摧欲展清商曲念子不能歸俛仰內傷心淚下不可揮願爲
雙黃鵠送子俱遠飛
結髮爲夫妻恩愛兩不疑歡娛在今夕嫵婉及良時征夫懷
往路起視夜何其參辰皆已沒去去從此辭行役在戰場相
見未有期握手一長歎淚爲生別滋努力愛春花莫忘歡樂
時生當復來歸死當長相思

燭燭晨明月復覆我蘭芳芬馨良夜發隨風聞我堂征夫懷
遠路遊子戀故鄉寒冬十二月晨起踐嚴霜俯觀江漢流仰
視浮雲翺良友遠離別各在天一方山海隔中州相去悠且
長嘉會難兩遇歡樂殊未央願君崇令德隨時愛景光

四愁詩四首

張衡

張衡不樂久處機密陽嘉中出爲河間相時國上驕奢不遵
法度又多豪右并兼之家衡下車治威嚴能內察屬縣姦猾
行巧劫皆密知名下吏收捕盡服擒諸豪俠游客悉怕懼逃
出境郡中大治爭訟息獄無繫囚時天下漸弊鬱鬱不得志
爲四愁詩屈原以美人爲君子以珍寶爲仁義以水深雪雰
爲小人思以道術相報貽於時君而懼讒邪不得以通其辭
一思曰我所思兮在太山欲往從之梁父艱側身東望涕霑
翰美人贈我金錯刀何以報之英瓊瑤路遠莫致倚道遙何
爲懷憂心煩勞

二思曰我所思兮在桂林欲往從之湘水深側身南望涕霑

襟美人贈我金琅玕。何以報之雙玉盤。路遠莫致倚惆悵。何為懷憂心煩傷。

三思曰。我所思兮在漢陽。欲往從之隴阪長。側身西望涕霑裳。美人贈我貂襜褕。何以報之明月珠。路遠莫致倚踟躕。何為懷憂心煩紆。

四思曰。我所思兮在鴈門。欲往從之雪紛紛。側身北望涕霑巾。美人贈我錦繡段。何以報之青玉案。路遠莫致倚增歎。何為懷憂心煩惋。

雜詩 五言

土祭

日暮游西園。冀寫憂思情。曲池揚素波。列樹敷丹榮。上有特棲鳥。懷春向我鳴。寒衽欲從之。路險不得行。徘徊不能去。佇

立竚爾形。風颺揚塵起。白日忽已冥。起身入空房。託夢通精誠。人欲天不違。何懼不合井。

今本雜詩

劉楨

職事煩填委。文墨紛消散。馳翰未暇食。日昃不知晏。沈迷簿領書。回回自昏亂。釋此出西城。登高且游觀。方塘含白水。中有鳧與鴈。安得肅肅羽。從爾浮波瀾。

雜詩二首

魏文帝

漫漫秋夜長。烈烈北風涼。展轉不能寐。披衣起徬徨。徬徨忽已久。白露灑我裳。俯視清水波。仰看明月光。天漢迴西流。三五正從橫。草蟲鳴何悲。孤鴈獨南翔。鬱鬱多愁思。緜緜思故鄉。願飛安得翼。欲濟河無梁。向風長歎息。斷絕我中腸。

西北有浮雲，亭亭如車蓋。惜哉時不遇，適與飄風會。吹我東南行，行行至吳會。吳會非我鄉，安能久留滯。棄置勿復陳，客子常畏入。

朔風詩 四言

曹植

仰彼朔風，用懷魏都。願騁代馬，倏忽北徂。凱風永至，思彼蠻方。願隨越鳥，翻飛南翔。四氣代謝，懸景運周。別如俯仰，脫若三秋。昔我初遷，朱華未希。今我旋止，素雪云飛。俯降千仞，仰登天門。風飄蓬飛，載離寒暑。千仞易陞，天阻可越。昔我同袍，今永乖別。子好芳草，豈忘爾貽。繁華將茂，秋霜悴之。君不垂眷，豈云其誠。秋蘭可喻，桂樹冬榮。絃歌蕩思，誰與銷憂。臨川暮思，何爲泛舟。豈無和樂，游非我鄉。誰忘泛舟，愧無榜人。

雜詩六首 五言

曹植

高臺多悲風，朝日照北林。之子在萬里，江湖迥且深。方舟安可極，離思故難任。孤馬飛南遊，過庭長哀吟。翹思慕遠人，願欲託遺音。形影忽不見，翩翩傷我心。

轉蓬離本根，飄颻隨長風。何意迴颺舉，吹我入雲中。高高上無極，天路安可窮。類此游客子，捐軀遠從戎。戎毛褐不掩，形骸霍常不充。去去莫復道，沈憂令人老。

西北有織婦，綺縠何繽紛。明晨秉機杼，日昃不成文。太息終長夜，悲嘯入青雲。妾身守空閨，良人行從軍。自期三年歸，今已歷九春。飛鳥繞樹翔，嘒嘒鳴素羣。願爲南流景，馳光見我君。

君

南國有佳人容華若桃李朝游江北岸夕宿瀟湘沚時俗薄
朱顏誰爲歿皓齒俛仰歲將暮榮耀難久恃
僕夫早嚴駕吾將遠行游遠游欲何之吳國爲我仇將興萬
里塗東路安足由江介多悲風淮泗馳急流願欲一輕濟惜
哉無方舟閑居非吾志甘心赴國憂
飛觀百餘尺臨牖御楹軒遠望周千里朝夕見平原烈士多
悲心小人媮自閑國讐亮不塞甘心思復元拊劔西南望思
欲赴泰山絃急悲聲發聆我慷慨言

情詩

曹植

微陰翳陽景清風飄我衣游魚潛綠水翔鳥薄天飛眇眇客
行士遙役不得歸始出嚴霜結今來白露晞游子歎黍離處

者歌式微慷慨對嘉賓悽愴內傷悲

雜詩 四言

嵇康

微風清扇雲氣四除皎皎亮月麗于高隅興命公子攜手同
車龍驥翼翼揚鑣踟躕肅肅宵征造我友虛光燈吐輝華幔
長舒鸞傷酌醴神鼎烹魚絃超子野歎過綿駒流詠太素俯
讚玄虛孰克英賢與爾剖符

雜詩 五言

傅玄

志士惜日短愁人知夜長攝衣步前庭仰觀南鴈翔玄景隨
形運流響歸空房清風何飄緜微月出西方繁星依青天列
宿自成行蟬鳴高樹間野鳥號東廂纖雲時髣髴渥露霑我
裳良時無停景北斗忽低昂常恐寒節至凝氣結爲霜落葉

隨風摧一絕如流光

雜詩

張華

晷度隨天運。四時互相承。東壁正昏中。固陰寒節升。繁霜降當夕。悲風中夜興。朱火青無光。蘭膏坐自凝。重衾無暖氣。挾纊如懷冰。伏枕終遙昔。寤言莫予應。永思慮崇替。慨然獨撫膺。

情詩一首

張華

清風動帷簾。晨月照幽房。佳人處遐遠。蘭室無容光。襟懷擁虛景。輕衾覆空牀。居歡愒夜促。在感怨宵長。拊枕獨嘯歎。感慨心內傷。

在茲取此欲誰與。巢居知風寒。穴處識陰雨。不曾遠別離。安知慕儔侶。

園葵詩

陸機

種葵北園中。葵生鬱萋萋。朝榮東北傾。夕頽西南晞。零露垂鮮澤。朗月耀其輝。時逝柔風戢。歲暮商飈飛。曾雲無溫液。嚴霜有凝威。蒙高墉德玄景。陰素藪豐條。並春盛落葉。後秋衰慶彼晚彫。福忘此孤生悲。

思友人詩

曹據

密雲翳陽景。霖潦淹庭除。嚴霜彫翠草。寒風振纖枯。凜凜天氣清。落落片木疎。感時歌蟋蟀。思賢詠白駒。情隨玄陰滯。心與迴飈俱。思心何所懷。懷我歐陽子。精義測神奧。清機發妙

理自我別旬朔微言絕于耳。寒裳不足難清揚。未可俟延首
出階檐。佇立增想似。

感舊詩一首

曹攬

富貴他人合。貧賤親戚離。廉蔣門易軌。田實相奪移。長風集
茂林。棲鳥去枯枝。今我唯困蒙。郡士所背馳。鄉人敦懿義。濟
濟蔭光儀。對賓頌有客。舉觴詠露斯。臨樂何所歎。素絲與路
岐。

雜詩

何劭

秋風乘夕起。明月照高樹。閑房來清氣。廣庭發暉素。靜寂愴
然歎。惆悵出游顧。仰視垣上草。俯察階下露。心虛體自輕。飄
飄若仙步。瞻彼陵上柏。想與神人遇。道深難可期。精微非所

慕。勤思終遙夕。永言寫情慮。

雜詩

朔風動秋草。邊馬有歸心。胡寧久分析。靡靡忽至今。土事離
我志。殊隔過商參。音往鶴鷓鳴。今來蟋蟀吟。人情懷舊鄉。客
鳥思故林。師涓久不奏。誰能宣我心。

雜詩

曹攬

吳寇未殄滅。亂象侵邊疆。天子命上宰。作蕃于漢陽。開國建
元士。玉帛聘賢良。予非荆山璞。謬登和氏場。羊質服虎文。燕
翼假鳳翔。既懼非所任。怨彼南路長。千里既悠邈。路次限關
梁。僕夫罷遠涉。車馬困山岡。深谷下無底。高巖暨穹蒼。豐草
停滋潤。霧露霑衣裳。玄林結陰氣。不風自寒涼。顧瞻情感切。

惻愴心哀傷。上生則懸弧。有事在四方。安得恒逍遙。端坐守閨房。引義割外情。內感實難忘。

雜詩

左思

秋風何冽冽。白露爲朝霜。柔條且夕勁。綠葉日夜黃。明月出雲崖。嗷嗷流素光。披軒臨前庭。嗷嗷晨鴈翔。高志局四海。塊然守空堂。壯齒不恒居。歲暮常慨慷。

雜詩

張翰

暮春和氣應。白日照園林。青條若總翠。黃華如散金。嘉卉亮有觀。顧此難久躋。延頸無良塗。頓足託幽深。榮與壯俱去。賤與老相尋。歡樂不照顏。慘愴發謳吟。謳吟何嗟及。古人可慰心。

雜詩十首

張協

秋夜涼風起。清氣蕩暄濕。蜻蛉吟惜下。飛蛾拂明燭。君子從遠役。佳人守笑獨。離居幾何時。鑽燧忽改木。房櫳無行跡。庭草萋以綠。青苔依空牆。蜘蛛網四屋。感物多所懷。沈憂結心曲。

大火流坤維。白日馳西陸。浮陽映翠林。翔炎扇綠竹。飛雨灑朝蘭。輕露棲叢菊。龍蟄暄氣凝。天高萬物肅。窮條不重結。芳艸豈再覆。人生瀛海內。忽如鳥過目。川上之歎逝。前修以自勗。

金風扇素節。丹霞啓陰期。騰雲似涌煙。密雨如散絲。寒花發黃采。秋草含綠滋。閑居玩萬物。離羣戀所思。案無蕭氏牘。庭

無貢公基高尚遺王侯道積自成基至人不嬰物餘風足染時

朝霞迎白日丹氣臨陽谷翳翳結繁雲森森散雨足輕風摧勁草凝霜竦高木密葉日夜疎叢林森如束噲昔歎時遲晚節悲年促歲暮懷百憂將從季主卜

昔我資章甫聊以適諸越行行入幽荒靡路從祝髮窮年非所用此貨將安設銜齏夸瓊璠魚目笑明月不見郢中歌能不居然別陽春無和者巴人皆下節流俗多昏迷此理誰能察

朝登魯陽關狹路峭且深流澗萬餘丈圓木數千尋咆虎響窮山鳴鶴聒空林淒風爲我嘯百鎮坐自吟感物多思情在

險易常心竭來戒不虞挺嶮越飛岑王陽驅九折周文走峩峩經阻貴勿遲此理著來今

此鄉非吾地此郭非吾城羈旅無定心翩翩如懸旌出覩軍馬陣入聞鞞鼓聲常懼羽檄飛神武一朝征長鋏鞘中烽火列邊亭捨我衡門衣更被縵胡纓昔懷微志惟慕竊所經何必操干戈堂上有奇兵折衝樽俎間制勝在兩楹巧遲不足稱拙速乃垂名述職投邊城羈束戎旅間下車如昨日望舒四五圓借問此何時胡蝶飛南園流波戀舊浦行雲思故山閩越衣文蛇胡馬願度燕土風安所習由來有固然結宇窮岡曲耦耕幽藪陰荒庭寂以閑幽岫峭且深淒風起東谷有滄興南岑雖無箕畢期膚寸自成霖澤雉登壘雒寒

獲擁條吟。硤壑無人跡。荒楚鬱蕭森。投耒循岸垂。時間樵采音。重基可擬志。廻淵可比心。養真尚無爲。道勝貴陸沈。游思竹素園。寄辭翰墨林。

墨嶼躍重淵。商羊舞野庭。飛廉應南箕。豐隆迎號屏。雲根臨八極。雨足灑四溟。霖瀝過一旬。散漫亞九齡。階下伏泉涌。堂上水衣生。洪潦浩方割。人懷昏墊情。沈液漱陳根。綠葉腐秋華。里無曲突煙。路無行輪聲。環堵自頽毀。垣間不隱形。尺蠶重尋桂。紅粒貴瓊瓊。君子守固窮。在約不爽貞。雖榮田方贈。慚爲溝壑名。取志於陵子。比足黔婁生。

時興詩

盧湛

臺輿圓象運。悠悠方儀廓。忽忽歲云暮。游原采蕭藿。北踰邱

與河南臨伊。與洛凝霜霑。蔓草悲風振。林薄撼城芳。葉零繁芬華。洛下泉激冽。清曠野增遼。素登高眺遠。荒極望無崖。嘒形變隨時。化神感因物。作潛乎至人。心恬然存玄漠。

雜詩二首

陶潛

結廬在人境。而無車馬喧。問君何能爾。心遠地自偏。采菊東籬下。悠然望南山。山氣日夕佳。飛鳥相與還。此還有真意。欲辨已忘言。
秋菊有佳色。裛露掇其英。泛此忘憂物。遠我達世情。鶻雖獨進杯。盡壺自傾日。人羣動息歸。鳥趨林鳴嘯。傲東軒下聊復得此生。

詠貧士

陶潛

萬族各有託孤雲獨無依曖曖虛中滅何時見餘輝朝霞開
宿霧衆鳥相與飛遲遲出林翮未夕復來歸量力守故轍豈
不寒與飢知音苟不存已矣何所悲

讀山海經

陶潛

孟夏草木長繞屋樹扶疎衆鳥欣有託吾亦愛吾廬既耕亦
已種日還讀我書窮巷隔深轍頗迴故人車歡言酌春酒摘
我園中蔬微雨從東來好風與之俱泛覽周王傳流觀山海
圖俛仰終宇宙不樂復何如

七月七日夜詠牛女

謝惠連

落日隱桐楸升月照簾櫳團團滿葉露析析振條風蝶足循
廣除瞬目曜曾霄雲漢有靈匹隔年關相從遐川阻眺愛修
渚曠清容青杆不成藻登攀驚前蹤昔離秋已兩今聚夕無
雙傾河易迴幹款情難久悰沃若靈駕旋寂寥雲幄空留情
顧華寢遙心逐奔龍沈吟爲爾感情深意彌重

擣衣

謝惠連

衡紀無淹度啓運修如催白露滋園菊秋風落庭槐蕭蕭莎
雞羽烈烈寒蟬啼夕陰結空幕宵月皓中閨美人戒裳服端
飾相招携簪玉出北房鳴企步南階欄高砧響發櫛長杵聲
哀微芳起兩袖輕汗染雙題紈素既已成君子行未歸裁用
笥中刀縫爲萬里衣盈篋自余手幽絨候君開腰帶准疇昔
不知今是非

南樓中望所遲客

謝靈運

杳杳日西頽。漫漫長路迫。登樓爲誰思。臨江遲來客。與我別
所期。期在三。五夕。圓景早。已滿。佳人殊未適。卽事怨。收携感。
物方懷戚。孟夏非長夜。晦明如歲隔。瑤華未堪折。蘭若已屢
摘。路阻莫贈問。云何慰離析。搔首訪行人。引領冀良覿。
田南樹園激流植援
謝靈運
樵隱俱在山。由來事不同。不同非一事。養病亦園中。園中屏
氛雜。清曠招遠風。卜室倚北阜。啓扉面南江。激澗代汲井。挿
樵當列壙。羣木旣羅戶。衆山亦當窓。靡迤趨下田。迢遞瞰高
岑。寡欲不期勞。卽事罕人功。唯開蔣生徑。永懷求羊蹤。賞心
不可忘。妙善冀能同。

齋中讀書

謝靈運

昔余遊京華。未嘗廢丘壑。矧乃歸山川。心跡雙寂寞。館絕
諍訟空。庭來鳥雀臥。次豐暇。像翰墨。時聞作懷抱。觀古今。寢
食展戲譁。旣笑沮溺苦。又哂子雲閣。執戟亦以疲。耕稼豈
樂萬事難。並歡達生幸。可托。

石門新管所在。四面高山。廻溪石瀨。茂林修竹。

謝靈運

躋險乘幽居。披雲臥石門。苔滑誰能步。葛弱豈可捫。嬾婦秋
風過。萋萋春草繁。美人遊不還。作期何由敦。芳塵凝瑤席。清
醕滿金樽。洞庭空波瀾。桂枝徒攀翻。結念屬霄漢。孤景莫與
諼。俯濯石下潭。仰看條上猿。早聞夕飈急。晚見朝日曛。崖傾
光難留。林深響易奔。感往慮有復。理來情無存。庶特乘日用。

得以慰營魂。匪爲衆人說。冀與智者論。

雜詩

王微

思婦臨高臺。長想憑華軒。弄絃不成曲。哀歌送苦言。箕箒留
江介。良人處鴈門。評憶無衣苦。但知狐白溫。日暗牛羊下。野
雀滿空園。孟冬寒風起。東壁正中昏。朱火獨照人。抱景自愁
怨。誰知心曲亂。所思不可論。

數詩

鮑昭

一身仕關西。家族滿山東。年從車駕齋。祭日泉宮三朝國。
慶畢休沐還。舊邗四牡催。長路輕蓋若飛鴻。五侯相餞送高
會。集新豐。六樂陳廣坐。組帳揚春風。七盤起長袖。庭下列歌
鐘。八珍盈彫俎。綺肴分錯重。九族共瞻遠。賓友仰微容。十載

學無就。善宦。朝通。

觀月城西門解中

鮑昭

始出西南樓。纖纖如玉鈎。未映東北輝。娟娟似蛾眉。蛾眉藏
珠櫳。玉鈎隔瑱牕。三五二八時。千里與君同。夜移衡漢落。徘徊
徇帷戶。中歸華先委。露別葉早辭。風客遊厭苦。辛化子倦飄。
塵休濟自公。日宴慰及私。辰蜀琴抽白雪。郢曲發陽春。看乾
酒木缺金壺。啓夕淪迴軒。駐輕蓋。留酌待情人。

始出尚書省

謝朓

惟昔逢休明。十載朝雲陸。旣通金闕籍。復酌瓊筵醴。宸景厭
照臨。昏風淪繼體。紛虹亂朝日。濁河穢清濟。防口猶寬政。餐
茶更如薺。英袞暢人謀。文明因大啓。青精翼紫軟。黃旗映朱

邱還視司隸，人復見東都禮中區。咸已泰，暫生涼，昭泗趨事。
辭宮闕，載筆陪旌樂。邑里向疏蕪，寒流自清泚。衰柳尚沈沈，
凝露方沉沉。零落悲友朋，歡虞燕兄弟。既秉丹石心，寧流素
絲涕。乘此終蕭散，垂竿深澗底。

直中書省

謝朓

紫殿肅陰陰，彤庭赫弘敞。風動萬年枝，日華承露掌。玲瓏結
綺錢，深沉映朱網。紅藥當階翻，蒼苔依砌上。茲言翔鳳池，鳴
珮多清響。信美非吾宰，中國思偃仰。朋情以鬱陶，春物方踴
蕩。安得凌風翰，聊恣山泉賞。

觀朝雨

謝朓

朔風吹飛雨，蕭條江上來。既漉日常觀，復集九成臺。空濛如
薄霧，散漫似輕埃。平明振衣坐，重門猶未開。日昏無擾懷，
舌信悠哉。戢翼希驥首，乘流畏曝鰓。動息無兼遂，岐路多徘徊。
徂方同戰勝者，去翦北山萊。

郡內登望

謝朓

借問下車日，匪直望舒圓。寒城一以眺，平楚正蒼然。山積陵
陽阻，溪流春穀泉。威紆距遙甸，巉岳帶遠天。切切陰風暮，乘
柘起寒煙。悵望心已極，恫怛魂屢遷。結髮倦爲旅，平生早事
邊。誰規鼎食盛，寧愛狐白鮮。方棄汝南諾，言稅遼東田。

和伏武昌登孫權故城

謝朓

炎靈遺劍璽，當塗駭龍戰。聖期缺中壤，霸功興寓縣。鶴起登
吳山，鳳翔陵楚甸。衿帶窮巖險，帷帟盡謀選。北江游騫鑣，西

龕收組練。江海既無波。俯仰流英盼。表冕類禋郊。卜揆崇離殿。鈞臺臨講閣。樊山開廣譙。文物共葳蕤。聲明日蔥蒨。三光厭分景。書軌欲同薦。參差世祀忽。寂寞市朝變。舞館識餘基。歌梁想遺轉。故林哀木平。荒池秋草徧。雄圖悵若茲。茂宰深遐睠。幽客滯江臯。從賞乘纓弁。清卮阻獻酬。良書限聞見。幸籍芳音多。承風采餘綯。于役儻有期。鄂渚同游衍。

和王著作八公山詩

謝朓

二別阻漢坻。雙嶂望河澳。茲嶺復嶢峴。分區奠淮服。東限琅邪臺。西距孟諸陸。陸門眠起雜。樹檀欒。蔭修竹。日隱澗疑空。雲聚岫如覆。出沒眺樓雉。遠近送春日。戎州昔亂華。素景淪伊穀。出危賴宗衮。微管寄明牧。長蛇固能剪。奔鯨自此曝。道峻

芳塵流業遙。年運修平生。仰令圖吁嗟。命不淑。浩蕩別親知。連翩飛征軸。再遠館娃宮。兩去河陽谷。風煙四時犯。霜雨朝夜沐。春秀良已凋。秋場庶能築。

和徐都曹

謝朓

宛洛佳遨遊。春色滿皇州。結軫青郊路。迴瞰蒼江流。日華川上動。風光草際浮。桃李成蹊徑。桑榆蔭道周。東都已倣載。言歸望綠疇。

和王主簿怨情

謝朓

掖庭聘絕國。長門失歡宴。相逢詠蕭瑟。無辭寵悲班。扇花叢亂數蝶。風簾入雙燕。徒使春帶暎。坐惜和裝變。平生顧重宿昔。千金賤。故人心尚爾。故人不見。

和謝宣城

沈約

王喬飛鳧易東方金馬門從宦非宦侶避世不避喧於余發
皇容短翮屢飛翻晨趨游建禮晚沐臥郊園賓至下塵榻憂
來命綠綺昔賢伴時雨人守馥蘭蓀神交疲夢寐路遠隔思
存牽拙謬東汜浮情及西崑顧循良非薄何以儷與璠將隨
渤澥去刷羽汎清源

應王中丞思遠詠月

沈約

月華臨靜夜夜靜滅氛埃方暉竟戶入圓影隙中來高樓切
思婦西園游才網軒吹朱綬應門照綠苔洞房殊未曉清
光信悠哉

冬節後至丞相第讀世子申中作

沈約

廉公失權勢門館有虛盈貴賤猶如此況乃曲池平高車塵
未滅珠履故餘聲賓階綠錢滿客位紫苔生誰當九原上鬱
鬱望佳城

學省愁臥

沈約

秋風吹廣陌蕭瑟入南闌愁人掩軒臥高憲時動扉虛館清
陰滿神宇曖微微網蟲垂戶織夕鳥傍欄飛縷珮空為赤江
海事多違山中有桂樹歲暮可言歸

詠湖中鴈

沈約

白水滿春塘旅鴈每迴翔唼流牽弱藻斂翮帶餘霜羣浮動
輕浪單泛逐孤光懸飛竟不下亂起未成行刷羽同搖漾
舉還故鄉

三月三日率爾成篇

沈約

麗日屬元巳年芳具在斯。開花已中樹流鸞復滿枝。洛陽繁
華子。長安輕薄兒。東出千金堰。西臨鴈鷺波。游絲映空轉。高
楊拂地垂。綠幘文照曜。紫燕光陸離。清晨戲伊水。薄暮宿蘭
池。象筵鳴寶瑟。金瓶汎羽卮。寧憶春鸞起。日暮桑欲萎。長秋
屢以拂彫胡。方自炊爨而不可見。宿昔減容儀。且當忘情去。
歎息獨何爲。

擬古詩十一首

陸機

擬行行重行行

悠悠行邁遠。戚戚憂思深。此思亦何思。思君微與音。微日
夜離。緬邈若飛沈。王鮪懷河岫。晨風思北林。游子眇天末。遠

期不可尋。驚飈蹇反信。歸雲難寄音。佇立想萬里。沈憂萃我
心。攬衣有餘帶。循形不盈衿。去去遺情累。安處撫清琴。

擬今日良宴會

閑夜命懽友。置酒迎風館。齊僮梁甫吟。秦娥張女彈。哀音繞
棟宇。遺響入雲漢。四坐咸同志。羽觴不可算。高譚何綺蔚。
若朝霞爛。人生無幾何。爲樂常苦晏。譬彼伺晨鳥。揚聲當及
旦。曷爲恒憂苦。守此貧與賤。

擬迢迢牽牛星

昭昭清漢暉。粲粲光天步。牽牛西北廻。織女東南顧。華容一
何冶。揮手如振素。怨彼河無梁。悲此年歲暮。歧彼無良緣。皖
焉不得度。引領望大川。雙汾如霑露。

擬涉江采芙蓉

上山采瓊藥，寄各饒芳蘭。采采不盈掬，悠悠懷所歡。故鄉一何曠，山川阻且難。沈思鍾萬里，躑躅獨吟歎。

擬青青河畔草

靡靡江離草，熠熠生河側。皎皎彼姝女，阿那當軒織。粲粲妖容姿，灼灼美顏色。良人游不歸，偏棲獨隻翼。空房來悲風，中夜起歎息。

擬明月何皎皎

安寢北堂上，明月入我牖。照之有餘暉，撫之不足手。涼風繞曲房，寒蟬鳴高柳。踟躕感節物，我行永已久。游宦會無成，離思難常守。

擬蘭若生朝陽

嘉樹生朝陽，凝霜封其條。執心守時信，歲寒終不彫。美人何其曠灼灼，在雲霄。隆想彌年月，長嘯入飛颺。引領望天末，譬彼向陽翹。

擬青青陵上柏

冉冉高陵嶺，習習隨風翰。人生當幾時，譬彼濁水瀾。戚戚多滯念，置酒宴所歡。方駕振飛轡，遠游入長安。名都一何綺，城闕鬱盤桓。飛閣縵虹帶，曾臺冒雲冠。高門羅北闕，甲第椒與蘭。俠客控絕景，都人驂玉軒。遨遊放情願，慷慨爲誰歎。

擬東城一何高

西山何其峻，曾曲鬱崔嵬。零露彌天墜，蕙葉憑林衰。寒暑相

因襲時逝忽如顏三閭結飛鸞大臺嗟落暉曷爲牽世務
心若有違京洛多妖麗玉顏伴瓊麈閑夜撫鳴琴惠音清且
悲長歌赴促節哀響逐高徽一唱萬夫歎再唱梁塵飛思爲
河曲鳥雙遊豐水湄

擬西北有高樓

高樓一何峻迢迢峻而安綺窗出塵冥飛陛躡雲端佳人撫
琴瑟纖手清且閑芳氣隨風結哀響馥若蘭玉容誰得顧傾
城在一彈佇立望日昃躑躅再三數不怨佇立久但願歌者
歡思駕歸鴻羽比翼雙飛翰

擬庭中有奇樹

歡友蘭時往迢迢匿音微虞淵引絕景四節逝若飛芳草久

已茂作人竟不歸躑躅遶林渚惠風入我懷感物戀所歡采
此欲貽誰

擬明月皎夜光

歲暮涼風發昊天蕭明明招搖西北指天漢東南傾朗月照
閑房蟋蟀吟戶庭翩翩歸鴈集嘒嘒寒蟬鳴疇昔同宴友翰
飛戾高冥服美改聲聽居愉遺舊情織女無機杼大梁不架
楹

擬四愁詩七言

張載

我所思兮在營州欲往從之路阻修登崖遠望涕泗流我之
懷矣心傷憂佳人遺我綠綺琴何以贈之雙南金願因流波
超重深終然莫致增永吟

擬古詩五言

陶潛

日暮天無雲。春風扇微和。佳人美清夜。達曙酣且歌。歌竟長歎息。持此感入多。明明雲間月。灼灼葉中花。豈無一時好。不久當如何。

擬魏太子鄴中集八首

并序

謝靈運

建安末。余時在鄴宮。朝游夕讌。究歡愉之極。天下良辰美景。賞心樂事。四者難并。今昆弟友朋。二三諸彥。共盡之矣。古來此娛。書籍未見。何者。楚襄王時有宋玉。唐景梁孝王時有鄒枚。嚴馬遊者美矣。而其主不文。漢武帝時徐樂諸才。備應對之能。而雄猜多忌。豈獲晤言之適。不誣。方將庶必賢於今日。爾歲月如流。零落將盡。撰文懷人。感往增愴。其辭曰。

魏太子

百川赴巨海。衆星環北辰。照灼爛霄漢。遙裔起長津。天地中橫潰。家王拯生民。區宇既滌蕩。羣矣必來臻。忝此欽賢性。由來常懷仁。况值衆君子。傾心隆日新。論物靡浮說。析理實敷陳。羅縵豈闕辭。竊窕究天人。澄觴清金罍。連榻設華茵。急絃動飛聽。清歌拂梁塵。何言相遇易。此歡信可珍。

王粲

家本秦川。貴公子孫。遭亂流寓。自傷情多。

幽厲昔崩亂。桓靈今板蕩。伊洛既燎煙。田疇沒無像。整裝辭秦川。秣馬赴楚壤。沮漳自可美。客心非外獎。常歎詩人言。式微何由往。上宰奉皇靈。侯伯咸宗長。雲騎亂漢南。宛鄴皆掃。

盪排霧屬盛明披雲對清明慶泰欲重疊公子特先賞不謂
息肩願一旦值明兩並載遊鄴京方舟汎河廣綢繆清讌娛
寂寥梁棟響既作長夜飲豈顧乘日養

陳琳

袁本初書記之士故述喪亂事多

皇漢逢屯遘天下遭氛慝董氏淪關西袁家擁河北單民易
周章窘身就羈勒豈意事乖已永懷戀故國相公實勤王信
能定發賊復覩東都輝重見漢朝則餘生幸已多矧廼值明
德愛客不告疲飲讌遺景刻夜聽極星爛朝遊窮曠黑哀哇
動梁埃急觴盪幽默且盡一日娛莫知古來感

徐幹

少無宦情有箕穎之心事故仕世多素辭

伊昔家臨淄提携弄齊瑟置酒飲膠東淹留憩高密此歡謂
可終外物始難畢搖蕩箕濮情窮年迫憂慄未塗幸休明棲
集建薄質已免負薪苦仍游椒蘭室清論事究萬美話信非
行觴奏悲歌永夜擊白日華屋非蓬居時髦豈余匹中飲
顧昔心悵焉若有失

劉楨

卓犖偏人而文最有氣所得頗經奇

貧居晏里閨少小長東平河充當衝要淪漂薄許京廣川無
逆流招納厠羣英北渡黎陽津南登紀鄆城既覽古今事頗
識治亂情歡友相解達敷奏究平生矧荷明哲顧知深覺命

輕朝遊牛羊。下暮坐拈揭。鳴終歲非一日。傳厄弄新聲。辰事
既難諧。歡願如今并。唯羨蕭蕭翰。橫紛尺高冥。

應場

汝穎之士。流離世故。頗有飄薄之歎。

嗷嗷雲中鴈。舉翮自委羽。求涼窮水湄。違寒長沙渚。顧我滌
川時。緩步集穎許。一旦逢世難。淪薄恒羈旅。天下昔未定。託
身早得所。官度廁一卒。烏林預艱阻。晚節值衆賢。會同此天
宇。列坐塵華棖。金樽盈清醕。始奏延露曲。繼以闌夕語。調笑
輒酬答。嘲諢無慚沮。傾軀無遺慮。在心良已叙。

阮瑀

管書記之任。故有優渥之言。

河洲多沙塵。風悲黃雲起。金羈相馳逐。懸翮何窮已。慶雲惠
優渥。微薄難多上。念昔渤海時。南皮戲清泚。今復河山遊。鳴
葭汎蘭汜。躡步陵丹楹。並坐侍君子。妍談既愉心。哀弄信駐
耳。傾醑係芳酌。酌言豈終始。自從食萍來。唯見今日美。

平原侯植

公子不及世事。但美遨遊。然頗有憂生之嗟。

朝遊金鳳閣。日暮集華沼。傾柯引弱枝。攀條摘蕙草。徙倚窮
騁望。目極盡所討。西顧太行山。北眺邯鄲道。平欄修且直。白
楊信裊裊。副君命飲宴。歡娛寫懷抱。良遊匪晝夜。豈云晚與
早。衆賓悉精妙。清辭灑蘭藻。哀音下迴鶻。餘哇徹清昊。中山
不知醉。飲德方覺飽。願以黃髮期。養生念將老。

徵曹子建樂府白馬篇

袁淑

劍騎何翩翩。長安五陵間。秦地天下樞。入方湊。才賢荆魏多。
壯士宛洛富。少年意氣深。自負肯事郡。邑權籍籍關。外來車
徒傾。國廟五侯競。書幣奉公臺。爲言義分明。於霜信。行直如
弦。交歡池陽下。借宴汾陰西。一朝許人諾。何能坐相捐。影節
去函谷。投珮出甘泉。嗟此務遂圖。心爲四海懸。但營身意遂。
豈接目前俠。烈良有聞。占來共知然。

徵古

袁淑

許此倦遊士。本家自蓬東。昔隸李將軍。十載事西戎。結車高
關下。極望見雲中。四面各千里。從橫起嚴風。寒燠豈如節。霜
雨多異同。夕集北河陰。夢還甘泉宮。勳役未云已。壯年徒爲

空延知占時人所以悲轉蓬

擬占二首

劉鑠

擬行行重行行

耿耿陵長道。遙遙行遠之。回車背京里。揮手從此辭。堂上流
塵生。庭中綠草滋。寒鴛翔水曲。秋兔依山基。芳年有華月。佳
人無還期。日夕涼風起。對酒長相思。悲發江南調。憂委子衿
詩。臥覺明燈晦。坐見輕帆移。淚容不可飾。幽鏡難復治。願垂
薄暮景。照妾桑榆時。

擬明月何皎皎

落宿半遙城。浮雲翳層闕。玉宇來清風。羅帳延秋月。結思想
伊人。沈憂懷。明發誰爲客。行久屢見流。芳歇河廣川。無梁山

高路難越

和琅邪王依古

王僧達

少年好馳俠。宦遊關源既。終古跡聊訊。興亡言隆周。爲
藪澤皇漢成。山燹久沒離宮地。安識壽陵園。仲秋薄風起。孤
蓬卷霜根。白日無精景。黃沙千里昏。顯軌莫殊轍。幽塗豈異
魂。聖賢良已矣。推命復何怨。

擬古二首

鮑昭

幽并重騎射。少年好馳逐。臣帶佩雙鞬。象弧插彫服。獸肥春
草短。飛鞚越平陸。朝遊鴈門上。暮還樓煩宿。石梁有餘勁。驚
雀無全目。漢虜方未和。邊城屢翻覆。留我白羽將。以分虎
作。

魯客事楚王。懷金襲丹素。既荷主人恩。又蒙令尹顧。日晏罷
朝歸。輿馬塞衢路。宗黨生光華。賓僕遠傾慕。富貴人所欲。道
得亦何懼。南國有儒生。迷方獨淪誤。伐木清江湄。設罝守龜
兔。

十五諷詩書。篇翰靡不通。弱冠忝多士。飛步遊秦宮。側視君
子論。預見古人風。兩說窮舌端。五車摧筆鋒。羞當白璧賦。恥
受聊城功。晚節從世務。乘障還和戎。解佩襲犀渠。卷袂奉虛
弓。始願力不及。安知今所終。

學劉公幹體

鮑昭

胡風吹朔雪。千里度龍山。集君瑤臺裏。飛舞兩楹前。茲辰自
爲美。當避豔陽年。豔陽桃李節。枝深不成妍。

代君子有所思

西出登雀臺東下望雲關層閣蕭天居馳道直如髮續毫結
飛霞璇題納行月築山擬蓬壺穿池類淇泐選色逼齊代徵
聲巾叩越陳鐘階夕譙笙歌待明發年貌不可還身意會盈
歎蟻壤漏山阿絲淚毀金骨器惡含蒲欬物忘厚生漢書
衆多七服理難昭昧

倣古

范雲

寒沙四面平飛雪千里驚風斷墜山樹霧失交河城朝驅左
賢陣夜薄休屠營昔事前軍幕今逐嫖姚兵失道刑既重遲
留法未輕所賴今天子漢道日休明

雜體詩二十首

五言并序

江淹

夫楚譚漢風既非一骨魏製晉造固亦一體譬猶藍朱成彩
雜錯之變無窮宮商爲首靡曼之態不極故蛾眉爭同貌而
俱動於魄芳草寧共氣而皆悅於魂不其然歟至於世之諸
賢各滯所迷莫不論甘而忌辛好丹而非素豈所謂通方廣
恕好遠兼愛者哉及公幹仲宣之論家有曲直安不上衡之
評人立矯抗况復殊於此者乎又貴遠賤近人之常情重耳
輕目俗之恒蔽是以耶鄆託曲於李奇士季假論於嗣宗此
其效也然五言之興諒非夏古但關西鄴下既已罕同河外
江南頗爲異法故玄黃經緯之辨金碧沈浮之殊僕以爲亦
合其美亦善而已今作二十首詩教其文體雖不足品藻淵
流庶亦無乖商摧云爾

古別離

遠與君別者。乃至鴈門關。黃雲蔽千里。遊子何時還。送君如昨日。簷前露已團。不惜蕙草晚。所悲道里寒。君在天一涯。妾身長別離。願君見顏色。不異瓊樹枝。兔絲及水萍。所寄終不移。

李都尉從軍陵

樽酒送行人。踟躕在親宴。日暮浮雲滋。握手淚如霰。悠悠清川水。嘉魴得所薦。而我在萬里。結髮不相見。袖中有知書。願寄雙飛燕。

班婕妤 詠扇

執扇如圓月。出自機中素。畫作秦王女。乘鸞向煙霧。彩色世

所重。雖新不代。故竊愁涼風。至吹我玉階。樹君子恩未畢。零落在中路。

魏文帝 遊宴曹不

置酒坐飛閣。逍遙臨華池。神飈自遠至。左右芙蓉披。綠竹夾清水。秋蘭被幽崖。月出照園中。冠珮相追隨。客從南楚來。為我吹參差。淵魚猶伏浦。聽者未云疲。高文一何綺。小儒安足為。肅肅廣殿陰。雀聲愁北林。衆賓還城邑。何以慰吾心。

陳思王 贈友 曹植

君王禮英賢。不恤千金璧。雙闕指馳道。朱宮羅第宅。從容冰井臺。清池映華薄。涼風盪芳氣。碧樹先秋落。朝與佳人期。日夕望青閣。寒裳摘明珠。徙倚拾蕙若。眷我二三子。辭義麗金

履延陵輕寶劍季布重然諾處富不忘貧有道在英華

劉文學感遇楨

蒼蒼山中桂團團霜露色霜露一何繁桂枝生自直橘柚在南國因君為羽翼謬蒙聖主私託身文墨職丹彩既已過敢不自彫飾華月照方池列坐金殿側微臣固受賜鴻恩良未測

王侍中懷德祭

伊昔值世亂秣馬辭帝京既傷蔓草別方知杖村情峭函復丘墟冀闕緬縱橫倚棹汎涇渭日暮山河清蟋蟀依桑野嚴風吹枯莖鷓鴣在幽草客子淚已零去鄉一十載幸遭天下平賢主降嘉賞金貂服玄纓侍宴出河曲飛蓋遊鄴城朝露

竟幾何忽如水上萍君子篤惠義柯葉終不傾
千載垂令名

嵇中散言志康

日余不師訓潛志去世塵遠想出宏域高步超常倫靈鳳振羽飛
神乃入神曠哉宇宙惠雲羅更四陳哲人貴識義大雅明庇身
壯生惜無為老氏守其真天下皆得一名實久相賓咸池
饗爰居鐘鼓或愁辛柳惠善直道孫登庶知人寫懷良未遠
感贈以書紳

阮步兵詠懷籍

青鳥海上游鸞斯蒿下飛沈浮不相宜羽翼各有歸飄緇可

終年沈湮安是非朝雲乘變化光耀世所希精衛銜木石誰能測幽微

張司空離情

秋月映簾櫳懸光入丹墀佳人撫鳴琴清夜守空帷蘭徑少行跡玉臺生網絲庭樹發紅彩閨草含碧滋延佇整綾綺萬里贈所思願垂湛露惠信我皎日期

潘黃門述哀

青春速入機素秋馳白日美人歸重泉悽愴無終期殯宮已肅清松柏轉蕭瑟俯仰未能別尋念非但撫衿悼寂寞况然若石失明日人結愆髮髯想蕙質銷憂非萱草永懷寄夢寐夢寐復冥冥何由覩爾形我慚北海術爾無帝女靈駕言

出遠山徘徊泣松銘雨絕無還雲花落豈與英日月方代序寢興何時平

陸平原 羈宦機

儲后降嘉命恩紀被微身明發春桑梓永歎懷密親流念辭南滋銜怨別西津驅馬遵淮泗日夕見梁陳服義追上列矯迹則官臣朱徽咸髦士長纓皆俊人契闊承華內綢繆踰歲年日暮聊總駕逍遙觀洛川徂沒多拱木宿草陵寒煙遊子易感嶺躑躅還自憐願言寄三鳥離思非徒然

左記室 詠史思

韓公淪賣藥梅生隱市門百年信在再何用苦心魂當學衛霍將建功在河源珪組賢君野青紫明主恩終軍才始達賈

誼位方尊金張服貂冕。計史乘華軒。王侯貴片議。公卿重一言。太平多歡娛。飛蓋東都門。顧念張仲蔚。蓬蒿滿中園。

張黃門 苦雨場

丹霞蔽陽景。綠泉涌陰渚。水鶴巢層巖。山雲潤柱礎。有弁興春節。愁霖貫秋序。變燮涼葉奪。戾戾颶風舉。高談玩四時。索居慕儔侶。青苔日夜黃。芳蕤成宿楚。歲暮百慮交。無以慰延佇。

劉太尉 傷亂理

皇晉遘陽九。天下橫氛霧。秦趙值薄蝕。幽并逢虎據。伊余荷寵靈。感激狗馳鶩。雖無六奇術。冀與張韓遇。宵戚扣角歌。桓公遭乃舉。苟息冒險難。實以忠貞故。空令日月逝。愧無古人

度。飲馬出城濠。北望沙漠路。千里何蕭條。白日隱寒樹。投袂既憤懣。撫枕懷百慮。功名惜未立。玄髮已改素。時哉苟有會。治亂惟冥數。

盧郎中 感交謨

大厦須異材。廊廟非庸器。英俊著世功。多士濟斯位。春顧成網繆。迺與時髦匹。姻媾久不虛。契闊豈但一。逢厄既已同。處危非所恤。常慕先達。槩觀古論得失。馬服爲趙將。疆場得清謚。信陵佩魏印。秦兵不敢出。慨無帷中策。徒慚素絲質。羈旅去舊鄉。感遇踰琴瑟。自顧非杞梓。勉力在無逸。更以畏友朋。濫吹乎名實。

郭弘農 遊仙璣

崦山多靈草。海濱饒奇石。偃蹇尋青雲。隱淪駐精魄。道人讀
丹經。方士鍊玉液。朱霞入窓牖。曠靈照空際。傲睨摘木芝。陵
波采水碧。眇然萬里遊。矯掌望煙客。永得安期術。豈愁濛汜
迫。

張廷尉雜述綽

太素既已分。吹萬著形兆。寂動苟有源。因謂殤子。天道喪。涉
千載。津梁誰能了。思乘扶搖翰。卓然凌風矯。靜觀尺椽義。理
足未嘗少。阿阿秋月明。憑軒詠堯老。浪迹無蚩妍。然後君子
道。領略歸一政。南山有綺皓。交臂久變化。傳火乃薪草。壘壘
玄思清。胷中去。機巧物我俱忘懷。可以狎鷗鳥。

許徵君自序詢

張子閭內機。單生蔽外像。時排冥筮。冷然空中賞。遣此弱
喪情。資神在獨往。采藥白雲隈。聊以肆所養。丹葩曜芳艸。綠
竹陰閑敞。茗茗寄意勝。不覺陵虛。曲樞激鮮。騰石室有幽
響。去矣從所欲。得失非外獎。至哉操斤。客重明固已。爾五難
既灑落。超跡絕塵網。

殷東陽興囑仲文

晨遊任所萃。悠悠蘊真趣。雲天亦遼亮。時與賞心遇。青松挺
秀萼。蕙色出喬樹。極眺清波深。緬映石壁素。瑩情無餘滓。拂
衣釋塵務。求仁既自我。玄風豈外慕。直置忘所宰。蕭散得遺
慮。

謝僕射遊覽混

信矣勞物化。愛祔未能整。薄言遵郊衢。總轡出臺省。凄凄節序高。寥寥心悟永。時菊耀巖阿。雲霞冠秋嶺。春然惜良辰。徘徊踐落景。卷舒雖萬緒。動復歸有靜。曾是迫桑榆。歲暮從所乘。舟壑不可攀。忘懷寄匠郢。

陶徵君田居潛

種苗在東臯。苗生滿阡陌。雖有荷鋤倦。濁酒聊自適。日暮中柴車。路闇半已夕。歸人望煙火。稚子候檐隙。問君亦何爲。百年會有役。但願桑麻成。蠶月得紡績。素心正如此。開徑望三益。

謝臨川遊山靈運

江海經瀟湘。山嶠備盈缺。靈境信淹留。賞心非徒設。平明登

雲峯杳與廬。霍絕碧鄣長。周流金潭恒。澄澈桐林帶。晨霞石壁映。初晰乳竇既。滴瀝丹井復。寥泬岳嶠轉。奇秀岑峯還。相蔽赤玉隱。瑤溪雲錦被。沙汭夜聞猩猩啼。朝見鼯鼠逝。南中氣候暖。朱華陵白雪。幸遊建德鄉。觀奇經禹穴。身名竟誰辨。圖史終磨滅。且泛桂水潮。映月遊海澨。攝生貴處順。將爲智者說。

顏特進侍宴之

太微凝帝宇。瑤光正神縣。揆日衆書史。相都麗聞見。列漢構仙宮。開天製寶殿。桂棟留夏飈。蘭橈停冬霰。靄青林結冥濛。丹嶽被蔥蒨。山雲備卿霽。池卉具靈變。重陽集清氛。下輦降玄宴。驚望分寰遂。曠日盡都甸。氣生川岳陰。煙滅淮海見。中坐

溢朱組步欄造瓊弁禮登佇睿情樂闕延皇躬測恩躋愉逸
泐牒情浮賤榮重餽兼金巡華過盈璜敢飾輿人詠方慚綠
水薦

謝法曹贈別惠連

昨發赤亭渚今宿浦陽汭方作雲峯異豈伊千里別芳塵未
歇席泫淚猶在袂停臚望極浦弭棹阻風雪風雪既經時夜
永起懷思汎濫北湖遊岩亭南樓期點翰詠新賞開泰瑩所
疑摘芳愛氣馥拾藥憐色滋色滋畏沃若人事亦銷鑠子衿
怨勿往谷風諒輕薄共乘延州信無慚仲路諾靈芝望三秀
孤筠情所託所託已殷勤祇足攬懷人今行喟喟外銜思至
海濱艸香未解款跡在何辰維珮雖可贈疏華竟無陳無

陳心惰勞旅人豈遊遨幸及風雪霽青春滿江臯解纜候前
侶還望方鬱時煙景若離遠未嘗寄瓊瑤

王徵君養疾微

竊謁瀟湘空翠礪澹無滋寂歷百草晦欬吸鷓鴣悲清陰往
來遠月華散前墀鍊藥曠虛幌汎瑟臥遙帷水碧驗木蠹金
膏靈詎緇北渚有帝子蕩漾不可期悵然山中暮懷疴屬此
詩

袁太尉從駕淑

官廟禮哀敬紛邑道嚴玄恭潔由明祀肅駕在祈年詔徒登
季月戒鳳藻行川雲佈象漢徙宸網擬星懸朱權麗寒渚金
鏤映秋山羽衛藹流景綵吹震沈淵辨詩測京國履籍鑑都

擗。朋。蕭。響。玉。律。已。頌。被。丹。絃。文。軫。薄。桂。海。聲。教。燭。冰。大。和。惠。
頒。上。勳。恩。渥。浹。下。筵。幸。侍。觀。洛。後。豈。慕。巡。河。前。服。義。方。無。沫。
展。歌。殊。未。已。

謝光祿郊遊莊

蕭。舲。出。郊。際。徒。樂。逗。江。陰。翠。山。方。藹。藹。青。浦。止。沈。沈。涼。葉。照。
沙。嶼。秋。榮。冒。水。濤。風。散。松。架。險。雲。鬱。石。道。深。靜。默。鏡。嶽。野。四。
睇。亂。會。人。氣。清。知。鴈。引。露。華。識。援。音。雲。裝。信。解。轍。煙。駕。可。罷。
金。始。整。丹。泉。術。終。覩。紫。芳。心。行。光。自。容。裔。無。使。弱。思。侵。

鮑參軍戎行昭

豪。士。枉。尺。璧。曾。人。重。恩。尤。狗。義。非。爲。利。執。羈。輕。去。鄉。孟。冬。郊。
祀。月。殺。氣。起。嚴。霜。戎。馬。粟。不。饒。軍。士。冰。爲。漿。晨。上。城。阜。坂。積。
礫。皆。羊。腸。寒。陰。籠。白。日。火。谷。晦。蒼。蒼。息。徒。稅。征。駕。倚。劔。臨。八。
荒。鷓。鴒。不。能。飛。玄。武。伏。川。梁。鍛。翻。出。時。至。感。物。聊。自。傷。登。儒。
守。一。經。未。足。識。行。藏。

休上人怨別

西。北。秋。風。至。楚。客。心。悠。哉。日。暮。碧。雲。合。佳。人。殊。未。來。露。彩。方。
滋。羞。月。華。始。徘徊。寶。書。爲。君。掩。瑤。琴。誰。能。開。相。思。巫。山。渚。悵。
望。陽。雲。臺。骨。鑪。絕。沈。燎。綺。席。生。浮。埃。桂。水。日。千。里。因。之。平。生。
懷。

騷類

離騷經

屈原

帝。高。陽。之。苗。裔。兮。朕。皇。考。曰。伯。庸。攝。提。貞。于。孟。陬。兮。惟。庚。寅。

吾以降皇覽揆余于初度兮肇錫余以嘉名名余曰正則兮
字余曰靈均紛吾既有此內美兮又重之以修能扈江離與
薜芷兮紉秋蘭以爲佩汨余若將不及兮恐年歲之不吾與
朝搴此之木蘭兮夕攬洲之宿莽日月忽其不淹兮春與秋
其代序惟草木之零落兮恐美人之遲暮不撫壯而棄穢兮
何不改其此度也乘騶驥以馳騁兮來吾導夫先路昔三后
之純粹兮固衆芳之所在維申椒與菌桂兮豈維紉夫蕙茝
彼堯舜之耿介兮既遵道而得路何桀紂之昌披兮夫唯捷
徑以窘步惟黨人之偷樂兮路幽昧以險隘豈余身之憚殃
兮恐皇輿之敗績忽奔走以先後兮及前王之踵武荃不察
余之中情兮反信讒而齊怒余固知謇謇之爲患兮恐而不
能舍也捐九天以爲正兮夫唯靈脩之故也初既與余成言
今後悔避而有他余既不難離別兮傷靈脩之數化余既滋
蘭之九畹兮又樹蕙之百畝畦畱夷與揭車兮雜杜衡與芳
芷冀枝葉之峻茂兮願埃時乎吾將刈雖萎絕其亦何傷兮
哀衆芳之蕪穢衆皆競進以貪婪兮憑不厭乎求索羌內恕
己以量人兮各興心而嫉妬忽馳騫以追逐兮非余心之所
急老冉冉其將至兮恐脩名之不立朝飲木蘭之墜露兮夕
餐秋菊之落英苟余情其信姱以練要兮長願領亦何傷寧
木根以結茝兮貫薜荔之落葉矯菌桂以紉蕙兮索胡繩之
纒纒蹇吾法夫前修兮非時俗之所服雖不周於今之人兮
願依彭咸之遺則長太息以掩涕兮哀人生之多艱余雖好

脩姱以鞿羈兮。嘗朝諝而夕替。既替余以蕙纒兮。又申之以
纒。亦余心之所善兮。雖九死其猶未悔。怨靈脩之浩蕩兮。
終不察夫人心。衆女嫉余之蛾眉兮。謠詠謂余以善淫。固時
俗之工巧兮。偃規矩而改錯。背繩墨以追曲兮。競周容以爲
度。他鬱悒余佗僚兮。吾獨窮困乎此時也。寧溘死以流亡兮。
余不忍爲此態也。鸞鳥之不羣兮。自前世而固然。何方圓之
能周兮。夫孰異道而相安。屈心而抑志兮。忍尤而攘詬。伏清
白以死直兮。固前聖之所厚。悔相道之不察兮。延佇乎吾將反。
迴朕車以復路兮。及行迷之未遠。步余馬於蘭皋兮馳椒丘
且焉止息。進不入以離尤兮。退將復修吾初服。製芰荷以爲
衣兮。集芙蓉以爲裳。不吾知其亦已兮。苟余情其信芳。高余

冠之岌岌兮。長余佩之陸離。芳與澤其雜糅兮。唯昭質其猶
未虧。忽反顧以游目兮。將往觀乎四荒。佩繽紛其繁飾兮。芳
菲菲其彌章。人生各有所樂兮。余獨好修以爲常。雖鞿解吾
猶未變兮。豈余心之可懲。女嬃之嬋媛兮。申申其詈予。曰紕
綈直以亡身兮。終然天乎羽之野。汝何博謔而好修兮。紛獨
有此姱節。葳蕤施以盈室兮。判獨離而不服。衆不可戶說兮。
孰云察余之中情。世並舉而好朋兮。夫何筭獨而不子。聽依
前聖之節中兮。喟憑心而歷茲。濟沅湘以南征兮。就重華而
陳詞。啓九辯與九歌兮。復康娛以自縱。不顧難以及後兮。五
子用失乎家巷。羽淫遊以佚田兮。又好射。夫封狐固亂流其
鮮終兮。泥又貪夫厥家。澆身破服疆圉兮。縱欲而不忍。日康

妖而自忘。今厥首用夫。顛隕夏桀之常違。今乃遂焉。而逢厥
后辛之菹醢。今殷宗用而不長。湯禹嚴而祗敬。今周論道而
莫差。舉賢而授能。今脩繩墨而不煩。皇天無私阿。今覽人德
焉錯輔。夫維聖哲以茂行。今苟得用此下。瞻前而顧後。今
相觀人之計。極夫孰非義而可用。今孰非善而可收。佔余身
而危死。今覽余初。其猶未悔。不量鑿而正柄。今因前脩以菹
醢。曾歔歔余鬱悒。今哀朕時之不當。攜茹蕙以掩涕。今露余
襟之浪浪。跪敷衽以陳辭。今歌吾既得此中。正駟玉虬以乘
鸞。今溘埃風余。征朝發軔於蒼梧。今夕余至乎縣圃。欲少
留此靈珠。今日忽忽其將暮。吾合羲和弭節。今望崦嵫而勿
迫。路漫漫其脩遠。今吾將下。而求索飲余馬於咸池。今馳

余轡乎扶桑。折若木以拂日。今聊逍遙以相羊。前望舒使先
驅。兮後飛廉使介屬。鸞皇爲余先成。今雷師告余以未具。吾
令鳳皇飛騰兮。又繼之以日夜。飄風屯其相離兮。即雲霓而
來御。紛總總其離兮。兮班陸離其下。吾合帝閭。開關兮。倚
閭闔而望予。時曖曖其將罷兮。結幽蘭而延佇。世溷濁而不
分兮。好蔽美而嫉妬。朝吾將濟於白水兮。登閭風而馳馬。忽
反顧以流涕兮。哀高丘之無女。溘吾遊此春宮兮。折瓊枝以
繼佩。及榮華之未落兮。相下女之可詒。吾合豐隆乘雲兮。求
處妃之所在。解佩纕以結言兮。吾合蹇脩以爲理。紛總總其
離兮。今忽緯繯其難遷兮。歸次於窮石兮。朝濯髮乎洧槃。保
厥美以驕傲兮。日康娛以淫遊。雖信美而無禮兮。來違棄而

改求覽相觀於四極兮周流乎天余乃下望瑤臺之偃蹇兮
見有娥之佚女吾令鳩爲媒兮鳩告余以不好雄鳩之鳴逝
兮余猶惑其佻巧心猶豫而狐疑兮欲自適而不可鳳皇既
受詒兮恐高辛之先我欲遠集而無所止兮聊浮游以逍遙
及少康之未家兮畱有虞之二姚理弱而媒拙兮恐導言之
不固時溷濁而嫉賢兮好蔽美而稱惡閨中旣以遠遠兮哲
王又不寤懷朕情而不發兮余焉能忍與此終占素瓊茅以
筵筓兮命靈氛爲余占之曰兩美其必合兮孰信脩而慕之
思九州之博大兮豈唯是其有女曰勉遠逝而無狐疑兮孰
求美而釋女何所獨無芳草兮爾何懷乎故宇時幽昧以眩
曜兮孰不察余之美惡人好惡其不同兮惟此黨人其獨異

戶服艾以盈髮兮謂幽蘭其不可佩覽察草木其猶未得兮
豈瑾美之能當蘇糞襲以充幃兮謂中椒其不芳欲從靈氛
之吉占兮心猶豫而狐疑巫咸將夕降兮懷椒糈而嬰之百
神翳其備降兮九疑繽其並迎皇剌剌其揚靈兮告余以吉
故曰勉升降以上下兮求矩矱之所同湯禹儼而求合兮擊
皋繇而能調苟中情其好脩兮何必用夫行媒說操藥於傳
巖兮武丁用而不疑呂望之鼓刀兮遭周文而得舉甯戚之
謳歌兮齊桓聞以該輔及年歲之未晏兮時亦猶其未央恐
鶉鴂之先鳴兮使百草爲之不芳何瓊佩之偃蹇兮衆憂然
而蔽之惟此黨人之不亮兮恐嫉妬而折之時繽紛其變易
兮又何可以淹畱蘭芷變而不芳兮荃蕙化而爲茅何昔日

之芳草兮今直爲此蕭艾也豈其有他故兮莫好修之害也
余以蘭爲可恃兮羌無實而容長委厥美以從俗兮苟得引
乎衆芳椒專佞以慢惰兮椒又欲克其佩幃旣下進而務入
兮又何芳之能祇因時俗之從流兮又孰能無變化覽椒蘭
其若茲兮又况揭車與江離惟茲佩之可貴兮委厥美而歷
茲芳菲菲而難虧兮芬至今猶未沫和調度以自娛兮聊浮
游而求女及余飾之方壯兮周流觀乎上下靈氛旣告余以
吉日兮歷吉日乎吾將行折瓊枝以爲羞兮精瓊麋以爲糧
爲余駕飛龍兮雜瑤象以爲車何離心之可同兮吾將遠逝
以自疏連吾道夫崑崙兮路脩遠以周流揚雲霓之晻藹兮
鳴玉鸞之啾啾朝發軔於天津兮夕余至乎西極鳳皇翼其

承旂兮高翱翔之翼翼忽吾行此流沙兮遵赤水而容與麾
鼓龍使梁津兮詔西皇使涉于路脩遠以多艱兮騰衆車使
徑待路不周以左轉兮指西海以爲期屯余車其千乘兮齊
玉軼而竝馳駕八龍之娉娉兮載雲旗之委移抑志而弭節
兮神高馳之邈邈奏九歌而舞韶兮聊假日以愉樂陟升皇
之赫戲兮忽臨睨夫舊鄉漢夫悲余馬懷兮蜷局顧而不行
亂曰已矣哉國無人莫我知兮又何懷乎故都旣莫足與爲
美政兮吾將從彭咸之所居

九歌四首

東皇太一

屈原

吉日兮辰良穆將愉兮上皇撫長劔兮玉珥粲鑄鳴兮琳瑯

璠席兮玉璫。盍將把兮瓊芳。蕙肴蒸兮蘭藉。奠桂酒兮椒漿。揚枹兮拊鼓。疏緩節兮安歌。陳竽瑟兮浩倡。靈偃蹇兮姣服。芳菲菲兮濛堂。五音紛兮繁會。君欣欣兮樂康。

美人雲中君

浴蘭湯兮沐芳華。采衣兮若英。靈連蜷兮既留。爛昭昭兮未央。蹇將憺兮壽宮。與日月兮齊光。龍駕兮帝服。聊翱遊兮周章。靈皇皇兮既降。焱遠舉兮雲中。覽冀州兮有餘。橫四海兮長窮。思夫君兮太息。極勞心兮憊憊。

湘君

君不行兮夷猶。蹇誰留兮中洲。美夏眇兮宜脩。沛吾乘兮桂舟。令沅湘兮無波。使江水兮安流。望夫君兮歸來。吹參差兮

誰思。駕飛龍兮北征。遵吾道兮洞庭。薜荔拍兮蕙纈。承沓橈兮蘭旌。望涔陽兮極浦。橫大江兮揚靈。揚靈兮未極。女嬃媛兮爲余太息。橫流涕兮潺湲。隱思君兮徘徊。桂懼兮蘭枝。斲冰兮積雪。采薜荔兮水中。攀芙蓉兮木末。心不同兮媒勞。恩不甚兮輕絕。石瀨兮淺淺。飛龍兮翩翩。交不忠兮怨長。期不信兮告余以不聞。朝騁鸞兮江皋。夕弭節兮北渚。鳥次兮屋上。水周兮堂下。捐余玦兮江中。遺余珮兮澧浦。采芳洲兮杜若。將以遺兮下女。時不可兮再得。聊逍遙兮容與。

湘夫人

帝子降兮北渚。目眇眇兮愁予。嫺嫺兮秋風。洞庭波兮木葉下。登白蘋兮騁望。與佳期兮夕張。鳥萃兮蘋中。罾何爲兮木

上。沅有芷兮澧有蘭。思公子兮未敢言。慌忽兮遠望。觀流水兮潺湲。廉何爲兮庭中。蛟何爲兮水裔。朝馳余馬兮江皋。夕濟兮西澨。聞佳人兮召予。將騰駕兮俦遊。築室兮水中。葺之兮以荷蓋。荃壁兮紫壇。播芳椒兮成堂。桂棟兮蘭橈。辛夷楣兮葺房。罔薜荔兮爲帷。擗蕙櫨兮旣張。白玉兮爲鎮。疏石蘭以爲芳。芷葺兮荷屋。練之兮杜衡。合百草兮實庭。建芳馨兮廡門。九疑嶺兮竝迎。靈之來兮如雲。捐余袂兮江中。遺余褱兮澧浦。寒汀洲兮杜若。將以遺兮遠者。時不可兮驟得。聊逍遙兮容與。

九歌二首

屈原

秋蘭兮麝蕪。羅生兮堂下。綠葉兮素華。芳菲菲兮襲予。夫人

自有兮美。子孫何兮以兮愁。若秋蘭兮青青。綠葉兮紫莖。滿堂兮美人。忽獨與余兮相滅。入不言兮出不辭。乘回風兮載雲旗。悲莫悲兮生別離。樂莫樂兮新相知。荷衣兮意帶。條而來兮忽而逝。夕宿兮帝郊。君誰須兮雲之際。與汝遊兮九河。衝飈起兮水揚波。與汝沐兮咸池。晡汝髮兮陽之阿。望美人兮未來。臨風悅兮浩歌。孔蓋兮翠旌。登九天兮撫彗星。竦長劍兮擁幼艾。荃獨宜兮爲民正。

右少司命

若有入兮山之阿。被薜荔兮帶女蘿。既含睇兮又宜笑。子慕予兮善窈窕。乘赤豹兮從文狸。辛夷車兮結桂旗。被石蘭兮帶杜衡。折芳馨兮遺所思。余處幽篁兮終不見天。路險難兮

獨後來表獨立兮山之上。雲容容兮而在下。杳杳冥冥兮羌
晝晦。東風飄兮神靈雨。留靈修兮憺忘歸。歲既晏兮孰華子。
采秀兮於山間。石磊磊兮葛蔓蔓。怨公子兮悵忘歸。君思
我兮不得聞。山中人兮芳杜若。飲石泉兮蔭松柏。君思我兮
然疑作。雷填填兮雨冥冥。猿啾啾兮秋夜鳴。風颯颯兮木蕭
蕭。思公子兮徒離憂。

右山鬼

九章

屈原

余幼好此奇服兮年既老而不衰。帶長鋏之陸離兮冠切雲
之崔嵬。被明月兮佩寶璐。世溷濁而莫予知兮吾方高馳而
不顧。駕青虬兮馳白螭。吾與重華遊兮璠之圃。登崑崙兮食

玉英。與大地兮比壽。與日月兮齊光。哀南夷之莫吾知兮且
余濟乎江湘。乘鄂渚而反顧兮欽秋冬之緒風。步余馬兮山
皋。低余車兮方林。乘船船余上沅兮齊吳榜以擊汰。船容與
而不進兮淹回水而凝滯。朝發枉渚兮夕宿辰陽。苟余其端
直兮雖僻遠之何傷。入激浦余遑廻兮迷不知吾之所如。深
林杳以冥冥兮乃援枹之所居。峻高以蔽日兮下幽晦以
多雨。霰雪紛其無垠兮雲霧霏而承宇。哀吾生之無樂兮幽
獨處乎山中。吾不能變心而從俗兮固將愁苦而終窮。接輿
髡首兮桑扈贏行。忠不必用兮賢不必以。伍子逢殃兮比干
菹醢。與前世而皆然兮吾又何怨乎今之人。余將董道而不
豫兮固將重昏而終身。

涉江

卜居

屈原

屈平既放三年不得復見。竭智盡忠，蔽邪於讒，心煩意亂，不知所從。乃往見太卜鄭詹尹，曰：余有所疑，願因先生決之。詹尹乃端策拂龜，曰：君將何以教之？屈原曰：吾寧悃悃款款，朴以忠，平將送往勞來，斯無窮乎？寧誅鋟草茅，以力耕乎？將遊大人以成名乎？寧正言不諱，以危身乎？將從俗富貴，以媮生乎？寧超然高舉，以保真乎？將嗷嗷嚙嚙，以事婦人乎？寧廉潔正直，以自清乎？將突梯滑稽，如脂如韋，以挈楹乎？寧昂昂若千里之駒乎？將汜汜若水中之鳧乎？與波上下，偷以全吾軀乎？寧與騏驎抗軛乎？將隨騏驎之迹乎？寧與黃鵠

比翼乎？將與鷙鷂爭食乎？此孰吉孰凶？何去何從？世溷濁而不清，蟬翼為重，千鈞為輕。黃鐘毀棄，瓦釜雷鳴。讒人高張，賢士無名。吁嗟嚙嚙，今誰知吾之廉貞？詹尹乃釋策而謝曰：夫尺有所短，寸有所長，物有所不足，智有所不明，數有所不逮，神有所不通。用君之心，行君之意。龜策誠不能知此事。

漁父

屈原

屈原既放，遊於江潭，行吟澤畔，顏色憔悴，形容枯槁。漁父見而問之，曰：子非三閭大夫與？何故至於斯？屈原曰：世人皆濁，我獨清，衆人皆醉，我獨醒。是以見放。漁父曰：聖人不凝滯於萬物，而能與世推移。世皆濁，何不泥其泥，而揚其波？衆人皆醉，何不餽其糟，而歠其醢？何故深思高舉，自令放為？屈原曰：

吾聞之新沐者必彈冠新浴者必振衣安能以身之察察受
物之汶汶者乎寧赴湘流葬於江魚腹中安能以皓皓之白
蒙世俗之塵埃乎漁父莞爾而笑鼓枻而去乃歌曰滄浪之
水清兮可以濯我纓滄浪之水濁兮可以濯我足遂去不復
與言

九辯五首

宋玉

悲哉秋之爲氣也蕭瑟兮草木搖落而變衰慄慄兮若在遠
行登山臨水兮送將歸沈寥兮天高而氣清寂寥兮收潦而
水清懣懣增歎兮薄寒之中人愴愴恨兮去故而就新坎
壈兮貧士失職而志不平廓落兮窮旅而無友生惆悵兮而
私自憐燕翩翩其辭歸兮蟬寂寂而無聲屬嗷嗷而南遊兮

鵲鷄嗚嘶而悲鳴獨申且而不寐兮哀蟋蟀之宵征時登登
而過中兮蹇淹留而無成

悲憂窮蹙兮獨處廓有美一人兮心不釋去鄉離家兮來遠
客超逍遙兮今焉薄專思君兮不可化君不知兮可奈何蓋
怨兮積思心煩懣兮忘食事願一見兮道余意君之心兮與
余異車駕兮竭而歸不得見兮心悲倚結軫兮太息涕潸潸
兮露軼慷慨絕兮不得中書亂兮迷惑私自憐兮何極心忤
怛兮諒直

皇天平分四時兮竊獨悲此涼秋白露既下降百草兮奄離
披此梧楸去白日之昭昭兮襲長夜之悠悠離芳藹之方壯
兮余委約而悲愁秋既先成以白露兮冬又申之以嚴霜收

恢合之孟夏兮然其條而沈蕪。葉蒼蒼而無色兮枝頽擎而
交橫。頽淫溢而將罷兮柯彷彿而萎黃。蒨穠穆之可哀兮形
銷錄而瘵傷。惟其紛糅而將落兮恨其失時而無當。寧騁
而下節兮聊逍遙以相羊。歲忽忽而道盡兮恐余壽之弗將。
悼余生之不時兮遂此世之無援。澹春興而獨倚兮蟋蟀鳴
此西堂。心怵惕而履憂兮何所愛之多方。仰明月而太息兮
步列星而極明。
竊悲夫。蕙華之曾敷兮紛旖旎乎都房。何曾華之無實兮從
風雨而飛颺。以爲君獨服此蕙兮嗟無以異於衆芳。閔奇思
之不通兮將去君而高翔。心閔憐之慘悽兮願一見而有明
重無怨而生離兮中結腸而增傷。豈不鬱陶而思君兮君之

門以九重。猛犬狺狺而迎吠兮。關梁閉而不可通。皇天淫溢而
秋霖兮。后土何時而得乾塊。獨守此無澤兮。仰浮雲而永歎。
何時俗之工巧兮。背繩墨而改錯。却騏驥而不乘兮。策駑駘
而取路。當世豈無騏驥兮。誠莫之能善御。見執轡者非其人
兮。故駒跳而遠去。鳧鴈皆喑夫。梁藻兮。鳳愈飄翔而高舉。鳳
鑿而方枘兮。吾固知其鉏鋸而難入。衆鳥皆有所登棲兮。鳳
獨遑遑而無所集。願銜枚而無言兮。嘗被君之淫浴。太公九
十乃顯榮兮。誠未遇其匹。合謂騏驥兮。安歸謂鳳皇兮。安棲
變古易俗兮。世衰今之相者兮。舉肥騏驥伏匿而不見兮。鳳
皇高飛而不下。鳥獸猶知懷德兮。何云賢士之不處。驥不驟
進而求服兮。鳳亦不貪餒而妄食。君棄遠而不察兮。雖願忠

其焉得欲寂寞而絕端今竊不敢忘初之厚德獨悲愁其傷
人今憑鬱鬱其何極

招魂

宋玉

朕幼清以廉潔兮身服義而未沫主此盛德兮率於俗而蕪
穢上無所考此盛德兮長離殃而愁苦帝告巫陽曰有人在
下我欲輔之鬼鬼離散汝筮予之巫陽對曰掌夢上帝其命
難從若必筮予之恐後謝之不能復用巫陽焉乃卜招曰鬼
今來歸去君之恒幹何爲乎四方些舍君之樂處而羅彼不
祥些竟兮歸來東方不可以託些長人千仞唯鬼是索些十
日代出流金鑠石些彼皆習之竟往必釋些歸來歸來不可
以託些竟兮歸來南方不可以止些離題黑齒得人肉以祀

以其骨爲醢些蝮蛇蒸蒸封狐千里些雄虺九首往來倏忽
吞人以益其心些歸來歸來不可久淫些鬼兮歸來西方之
害流沙千里些旋入雷泉應散而不可止些幸而得脫其外
曠宇些赤蟻若象玄蠶若壺些五穀不生藁菅是食些其土
爛入求水無所得些彷徨無所倚廣大無所極些歸來歸來
恐自遺賊些竟兮歸來北方不可以止些增冰峨峨飛雪千
里些歸來歸來不可以久些竟兮歸來君無上天些虎豹九
關啄害下人些一夫九首拔木九千些豺狼從目往來僂僂
些懸人以嬉投之深淵些致命於帝然後得瞑些歸來歸來
往恐危身些竟兮歸來君無下此幽都些土伯九約其角觶
觶些敦朕血拇逐人駭駭些參目虎首其身若牛些此皆甘

入歸來歸來恐自遺災此竟兮歸來入脩門此祝招君背
行先此秦箏齊縷鄭綿絡此招具該備永嘯呼此竟兮歸來
反故居此大地四方多賊姦此像設君室靜閒安此高堂邃
宇檻層軒此層臺累榭臨高山此網戶朱綴刻方連此冬有
突厦夏室寒此川谷徑復流潺湲此光風轉蕙汎崇蘭此經
堂人與朱塵筵此砥室翠翹柱曲瓊此翡翠珠被爛齊光此
翦阿拂壁羅幃張此纂組綺縞結琦璜此室中之觀多珍怪
此蘭膏明燭華容備此二八侍宿射遞代此九侯淑女多迅
衆此盛鬢不同制實滿宮此容態好比順嬈代此弱顏因植
其有意此姤容脩態組洞房此蛾眉曼睩目騰光此靡顏
膩理遺視聯此離榭倚暮侍君之闈此翡翠帷翠幃飾高堂此

紅壁沙版玄玉之梁此仰觀刻桷畫龍蛇此坐堂伏檻臨曲
池此芙蓉始發雜菱荷此紫葢屏風文緣波此文異豹飾侍
陂陀此軒轅既低步騎羅此蘭薄戶樹瓊木籬此竟兮歸來
何遠爲此室家遂宗食多方此稻黍稱麥掣黃梁此大苦鹹
酸辛甘行此肥牛之腴膈若芳此和酸若苦陳吳羹此膈鼈
炮羔有柘漿此鵠酸臍鳧煎鴻鶴此露鷄臠蠅厲而不爽此
秬秠蜜餌有餽餽此瑤漿蜜勺實羽觴此控糟凍飲耐清涼
些華酌既陳有瓊漿此歸來歸來反故室敬而無妨此看羞
未通女樂羅些陳鐘按鼓造新歌些涉江采菱發揚荷些美
人既醉朱顏醺些娛光眇視目曾波些被文服纖麗而不奇
些長髮曼鬢盤陸離些二八齊容起鄭舞些任若交竿撫案

下些等。懸狂會。橫鳴鼓。些宮庭震驚。發激楚。些吳歎蔡謠。奏
大呂。些士女舞坐亂。而不分些。放陳組纓班。其相紛些。鄭衛
妖玩來雜陳。些激楚之結。獨秀先些。篋箠象碁。有大博些。分
曹竝進。迺相迫些。成臯而牟。呼五白些。晉制犀比。費白日些。
鏗鐘搖篋。揆梓瑟些。煨酒不廢。沈日夜些。蘭膏明燭。華鈴錯
些。結撰至思。蘭芳假些。人有所極。同心賦些。酌飲既盡。歡樂
先故些。魂兮歸來。反故居些。亂曰。獻歲發春。兮汨吾南征些。
菴蘋齊葉。兮白芷生些。路貫廬江。兮左長薄兮。沼畦瀛兮。遙
望博青驢結駟。兮齊子乘懸。火延起兮。玄顏烝步及驟處兮。
誘騁先抑。鴛若通兮。山車右還。與王趨夢兮。課後先君。王親
發兮。憚青兕。朱明承兮。以兮。時不可淹。阜蘭被徑兮。斯路漸。湛

湛江水兮。上有楓。日極千里兮。傷春心。覓兮。歸來哀江月。

招隱士

劉安

桂樹叢生兮。山之幽。偃蹇連卷兮。枝相繚。山氣隴嵒兮。石嵯
峨。谿谷嶄巖兮。水曾波。猿狖羣嘯兮。虎豹嗥攀援。桂枝兮。聊
淹留。王孫遊兮。不歸。春草生兮。萋萋。歲暮兮。不自聊。噓咄鳴
兮。啾啾。塊兮。軋。山曲嶠心。淹留兮。惘怳。忽罔兮。沕怳。虎
豹。岫叢薄。深林兮。人土。慄欬。岑碣礧兮。砢礧。樹輪相糺
兮。林木。茂翯。青莎雜樹兮。蘘草。霍靡。白鹿。麀麀兮。或騰。或倚
狀貌。嶮嶮兮。峨峨。淒淒兮。澼澼。獼猴兮。熊羆。慕類兮。以悲。攀
援。桂枝兮。聊淹留。虎豹。圖兮。熊羆。咆禽。獸駭兮。其曹。王孫
兮。歸來。山中兮。不可以久留。

全圖來山中不可入

空谷林兮幽水濶兮
 幽水濶兮空谷林兮
 空谷林兮幽水濶兮
 幽水濶兮空谷林兮
 空谷林兮幽水濶兮
 幽水濶兮空谷林兮
 空谷林兮幽水濶兮
 幽水濶兮空谷林兮
 空谷林兮幽水濶兮
 幽水濶兮空谷林兮
 空谷林兮幽水濶兮
 幽水濶兮空谷林兮
 空谷林兮幽水濶兮
 幽水濶兮空谷林兮

謝靈運

隱士

文選正文卷之七

目此下是各處春山真令滿來友代

終